



Republika e Kosovës  
Republika Kosova – Republic of Kosovo  
Qeveria – Vlada – Government  
Ministria e Kulturës, Rinisë dhe Sportit / Ministarstvo Kulture, Omladine i Sporta / Ministry of  
Culture, Youth and Sports  
DEPARTAMENTI I RINISË/ DEPARTMAN MLADIH/ DEPARTMENT OF YOUTH

*Prishtinë, 05.06.2018*

## FTESË PËR APLIKIM PËR PROJEKTE PËR RITJEN E PUNËSIMIT PËRMES ZHVILLIMIT TË NDËRMARRËSISË

Ministria e Kulturës, Rinisë dhe Sportit bazuar në Planin e Veprimit për Punësimin e të Rinjve 2018-2020 fton të gjitha Organizatat Jo-qeveritare/bizneset që veprojnë si ofruese të trajnimeve të aplikojnë me projektet e tyre që kontribuojnë në rritjen dhe zhvillimin e ndërmarrësisë për të rinj të moshës 18-24 vjeç.

**Objektivi i përgjithshëm i kësaj ftese publike është rritja e punësimit të rinjve përmes zhvillimit të ndërmarrësisë.**

### **Fushat prioritare të Ftesës Publike:**

- Krijimi i vendeve të punës përmes mbështetjes së drejtpërdrejtë ekonomike dhe trajnimeve për ndërmarrësi për të rinj.
- Ulja e jo aktivitetit nëpërmjet rritjes së punësimit dhe zhvillimit të kapaciteteve në përputhje me nevojat e tregut të punës;
- Promovimi i ndërmarrësisë tek të rinjtë.

Organizatat Jo-qeveritare/kompanitë që veprojnë si ofruese të trajnimeve mund të aplikojnë me një projekt që kontribuojnë në rritjen e punësimit të të rinjve përmes aktiviteteve si më poshtë:

- Trajnime në ndërmarrësi në modulet:
  - Hyrje në Ndërmarrësi
  - Marketing
  - Planifikim Biznesi
  - Planifikim Financiar
- Aktivitetet që avancojnë dhe promovojnë politikat qeveritare në fushën e punësimit të të rinjve;

- Aktivitetet që kanë për synim identifikimin e mundësive ekonomike lokale dhe mobilizimi i të rinjve në përfshirjen e tyre në këto mundësi;
- Aktivitetet që mbështesin grupet e mundësive në identifikimin e ideve të tyre të biznesit në lidhje me burimet e tyre dhe mundësitë;
- Aktivitetet që kanë për synim uljen e jo aktivitetit të të rinjve nëpërmjet rritjes së punësimit dhe zhvillimit të kapaciteteve në përputhje me nevojat e tregut të punës;
- Aktivitetet që promovojnë dhe nxisin ndërmarrësinë tek të rinjtë dhe aktivizimin e të rinjve në komunitetet ku jetojnë;
- Aktivitetet që adresojnë problemet specifike të të rinjve që ndikojnë drejt për së drejti në nxitjen e punësimit përmes zhvillimit të ndërmarrësisë;

Buxheti total tentativ i paraparë për këtë thirrje është **130,000 Euro** dhe përmes tij planifikohet të përkrahen deri **15 OJQ/biznese**.

Shuma minimale e mbështetjes financiare që mund të alokohet për çdo projekt individual është **5,000 Euro**, ndërsa shuma maksimale për një projekt është **20,000 Euro**.

OJQ-të/bizneset që veprojnë si ofruese të trajnimeve mund të aplikojnë me një (1) projekt në kuadër të kësaj thirrje dhe vetëm për një (1) nga fushat prioritare. Periudha e zbatimit të projektit është për maksimum 4 muaj. E njëjta OJQ/biznes nuk mund të marr pjesë në më shumë se një projekt në partneritet në fushat prioritare të thirrjes. **Për arsye të shtrirjes regjionale dhe më qëllim të përfshirjes më të mirë të të rinjve, MKRS/DiR mban të drejtën për të ndryshuar buxhetin e propozuar si dhe komunën/at/regjionin e realizimit të projektit.**

#### **Kriteret e përgjithshme për aplikuesit:**

Për t'u kualifikuar për mbështetje financiare publike, aplikuesit duhet të plotësojnë kriteret e përgjithshme minimale të përcaktuara me dispozitat në vijim:

- të jenë të regjistruar sipas kërkesave të legjislacionit në fuqi në Republikën e Kosovës;
- të jenë të pajisur me numër fiskal sipas kërkesave të legjislacionit tatimor të Republikës së Kosovës;
- të kenë kryer të gjitha detyrimet nga mbështetja financiare paraprake, nëse kanë përfituar nga burimet publike të financimit;
- të mos kenë pranuar mjete nga burime tjera të financimit për të njëjtat aktivitete; dhe
- të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës.

#### **Kriteret Specifike**

Në mënyrë që aplikacioni të konsiderohet i kompletuar dhe të hyjë në fazën e vlerësimit nga aspekti përmbajtësor, aplikuesi duhet të plotësojnë edhe kriteret e veçanta minimale të parapara me dispozitat në vijim:

- të dorëzojnë brenda afatit të thirrjes projekt propozimin i cili ndër të tjera përmban të dhënat për qëllimin, objektivat specifike, aktivitetet, kalendarin e realizimit, rezultatet e synuara, përfituesit e drejtpërdrejtë dhe të dhënat tjera sipas formularit përkatës të përcaktuar sipas thirrjes publike;
- projekt propozimi të jetë i shoqëruar me një propozim buxhet, sipas formatit të përcaktuar sipas ftesës publike dhe Manualit për zbatimin e kësaj Rregulloreje.
- të dorëzojë të dhëna për personelin kyç, duke specifikuar detyrat e tyre, siguruar CV-të e tyre së bashku me një deklaratë pranimi nga ana e tyre se do të punojnë për projektin, (Formulari 14);
- të dorëzojë CV e ekspertëve që do të përfshihen në projekt me një deklaratë pranimi nga ana e tyre se do të punojnë për projektin (Formulari 14);
- të dëshmojnë se kanë përvojë në realizimin e projekteve duke siguruar dëshmi të realizimit të projekteve të ngjashme në të kaluarën;
- i gjithë dokumentacioni duhet të përmbaj një kopje fizike dhe i njëjti në mënyrë elektronike në CD

Në rast të dështimit për të përmbushur ndonjërin nga kriteret e përgjithshme dhe specifike, aplikacioni do të konsiderohet i pakompletuar dhe si i tillë nuk mund të kualifikohet për mbështetje financiare.

#### **Kriteret e vlerësimit nga aspekti përmbajtjesor:**

Me rastin e vlerësimit të projekt-propozimeve për rritjen e punësimit përmes zhvillimit të ndërmarrësisë do të vlerësohen me sa vijon:

1. A posedon aplikuesi përvojë të mjaftueshme dhe kapacitete profesionale për të kryer aktivitetet e planifikuara të projektit /programit (duke përfshirë personelin, pajisjet dhe aftësinë për të udhëhequr me buxhetin si dhe referenca/dëshmitë për projekte të ngjashme)?
2. A posedojnë trajnerët e angazhuar në projekt përvojë të mjaftueshme dhe kapacitete profesionale për të kryer aktivitetet e planifikuara të projektit /programit (a kanë aftësitë e duhura për zbatimin e projektit, si dhe njohuri në lidhje me çështjet që trajtohen në këtë ftesë publike)?
3. A ka një strukturë të qartë që do të merret me menaxhimin e projektit (a është e përcaktuar qartë ekipi i projektit dhe detyrimet e anëtarëve të ekipit) ?
4. Sa relevant është projekt-propozimi për qëllimet dhe fushat prioritare të Ftesës Publike (a ndërlidhen projekti me aktivitetet e parapara në Planin e Veprimit për Punësimin e të Rinjve dhe politikat prioritare)?
5. A janë objektivat e projektit/programit të përcaktuara në mënyrë të qartë dhe realisht të arritshme?
6. A janë aktivitetet e projektit / programit të qarta, të arsyeshme, të kuptueshme dhe të zbatueshme?
7. A janë përcaktuar qartë rezultatet dhe nëse aktivitetet çojnë në arritjen e rezultateve?
8. A ka arritur projekti/programi të përcaktojë në mënyrë të qartë përdoruesit (numrin, moshën, gjininë, të rinj nga zona rurale etj.)? A përcakton dhe në çfarë mase adreson problemet dhe nevojat e tyre projekti?

9. A janë kostot e projektit/programit reale në lidhje me rezultatet specifike dhe kohëzgjatjen e pritshme të projektit?
10. A janë kostot e projektit në përputhje me aktivitetet e planifikuara të projektit/programit?

Të drejtë aplikimi me projektet e tyre kanë OJQ-të/bizneset që veprojnë si ofrues të trajnimeve që janë të regjistruara në Republikën e Kosovës. Aplikuesi duhet po ashtu të kenë kryer transaksionet financiare në mënyrë transparente sipas legjislacionit në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale ndaj Ministrisë së Kulturës, Rinisë dhe Sportit dhe të gjithë ofruesve tjerë të mbështetjes financiare publike. Para nënshkrimit të kontratës, aplikuesi duhet të paraqesë prova se personi përgjegjës në OJQ/biznes dhe menaxheri i projektit nuk janë nën hetime për vepra penale, si dhe prova se OJQ-ja/biznesi ka zgjidhur çdo çështje të hapur rreth pagesës së kontributeve dhe tatimeve të papaguara. Propozimet do të dorëzohen vetëm në formularët e paraparë, të cilat së bashku me ***Udhëzuesin për Aplikim***, janë në dispozicion në faqen e internetit të Ministrisë së Kulturës, Rinisë dhe Sportit ([www.mkrs-ks.org](http://www.mkrs-ks.org)).

Dokumentacioni i shtypur dhe ai elektronik në CD duhet të vendosen në një zarf të mbyllur me mbishkrimin (*Aplikim për projekte për rritjen e punësimit përmes zhvillimit të ndërmarrësisë si dhe emrin e Aplikuesit*).

Dokumentacioni në formë elektronike (në CD) duhet të ketë të njëjtën përmbajtje, pra të jetë identik me versionin e shtypur.

Të gjitha çështjet që lidhen me ftesën publike mund të sqarohen në mënyrë elektronike, duke dërguar e-mail në adresën: [burim.mexhuani@rks-gov.net](mailto:burim.mexhuani@rks-gov.net)

Procesi i pranimi, hapjes dhe shqyrtimit aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimi të ankesave, trajtimi i dokumenteve dhe kalendarin tregues i zbatimit të ftesës publike janë të detajuara në ***Udhëzuesin për Aplikim***. Dokumentet e kompletuara mund të dërgohen me postë ose personalisht, në adresën e mëposhtme:

***Ministria e Kulturës, Rinisë dhe Sportit, Sheshi Nëna Terezë; Zyra e Arkivës, Nr. 22; 10000, Prishtinë, Republika e Kosovës***

Afati i fundit për dorëzimin e propozimeve është deri më **27 Qershor 2018**.

## **FORMULARËT E FTESËS PËR APLIKIM**

1. Formulari i Aplikacionit për Projekt/programit (*e detyrueshme*)-(Formulari 9)
2. Formulari i Buxhetit (*e detyrueshme*)-(Formulari 10)
3. Formulari i deklaratës për të financimit të dyfishtë (*e detyrueshme*)-(Formulari 11)
4. Formular i deklaratës se partneritetit (*nëse aplikohet*)-(Formulari 12)
5. Formulari i deklaratës se projekteve të financuara (*e detyrueshme*)-(Formulari 13)
6. Deklaratë pranimi për kryerjen e aktiviteteve në projekt (*e detyrueshme*)-(Formulari 14)